

籌辦夷務始末

第二函

十九冊

籌辦夷務始末卷之四十九

咸豐十年庚申三月乙丑

盛京將軍玉明奏竊照前奉

諭旨著

於

於春冰泮時督帶防兵親往田莊臺駐紮相機布置等

因欽此

於

現查田莊臺河口冰雖未泮而前奏金州海口

已見夷船自應及早到防以資布置隨將前備官兵一千

名揀派協領變成等分起管帶於二月十六日由省起程

間二日前進_於親帶馬隊二百名攜帶將軍印信於二十

五日督後行走俟到防後如有應行布置之處再為隨時

奏請

硃批知道。

戊辰署黑龍江將軍特普欽齊齊哈爾副都統那敷德奏
竊等承准軍機大臣密寄正月二十七日奉

上諭特普欽等奏查明鄂倫春一項人等擬於本年春季交差之
後收羅團聚分布要隘可期緩急應用著即照所議辦理並著
妥議章程等因欽此等查此項牲丁向分五路有墨淩阿鄂
倫春向皆食餉當差其雜法罕鄂倫春僅止按年捕貢貂
皮向不當差亦不食餉均以游牧為生散居山野衣革啖
肉間以牲畜皮張易米用度若遽令遷移內地不惟與伊
等生計有礙且各該游牧地方牲畜蕃滋多有與俄夷接

壤要隘。儻防範稍疎。恐夷人乘隙潛趨。占其地面。轉多未
便。若收羅團聚。必須各歸各路。相度山林地勢。擇要安插。
使之就近環居。藉以堵截防範。既可守其地址。不失本業。
亦不致任意進行。而受夷人籠絡。仍責成該總管等。遇派
詰練委員。稽察管束。平時聽其各自謀生。遇有緩急。隨時
徵調。再行按日的給口糧藥鉛。並可節省津貼。當將酌議
情形。開列條款。飭交布特哈總管等。率同所屬。覈其利弊。
斟酌損益。詳報前來。等因。復加審定。謹將酌議章程。繪圖
貼說。恭呈。

○庫瑪爾一路大小男丁一千零八十餘名○向在庫瑪爾
塔哈等處游獵○該處牲畜豐富○若全行移過內興安嶺以
內○轉恐夷人乘隙貪越○且該處舊有運糧要路○與墨爾根
北邊相通○亦應防範○擬將此路鄂倫春收羅於黑龍江右
岸○迤西附近一二百里○以少半在庫瑪爾河岸內興安嶺
以外○呼密肯山等處○三四百里之內○環居游獵○以大半在
誤魯爾河以上○與該鄂倫春向送口糧大路內興安嶺山
陽○四五百里之內○環居游獵○以備緩急調用○庶可無誤○
○畢喇爾一路大小男丁三百四十餘名○向在車勒等處
游獵○該處為俄夷接壤○可連省城要路○擬將此路鄂倫春

收羅於要路附近地方。令其在黑龍江右岸迤西八九十里不等內興安嶺內外占河一帶。三四百里之內。環居游牧。以備緩急調用。庶可無誤。

一。托一路。大小男丁。三百三十餘名。該處為俄夷易於潛進之路。自墨爾根城起。北至謨哩勒克。為查邊要路。接連陶力罕山。向係布特哈人等。與郭倫春。駝送口糧隘口。擬將此路郭倫春收羅在布特哈屯百里以外內興安嶺以內。努敏河兩岸托河等處。三四百里之內。環居游牧。堵截要隘。以備緩急調用。庶可無誤。

一。阿哩一路。大小男丁。一百一十餘名。多普庫爾一路。大

小男丁六十餘名。此兩路鄂倫春與墨爾根城切近。擬即收羅分布在兩路查邊要口附近。在內興安嶺以內庫玉爾河以上附哩河等處。二百里之內。環居游牧。以備緩急調用。庶可無誤。惟阿哩多普庫爾托三路鄂倫春。若移在內興安嶺以內備調。其嶺外呼倫貝爾卡倫之東。謨哩勒克一帶地方。平坦遼闊。與該夷接壤。僅隔額爾固訥一河。恐夷人窺伺。乘隙潛越。亦須嚴防兼顧。查各處鄂倫春。原距呼倫貝爾較遠。緩急難期應用。所有呼倫貝爾一帶地方。應即責成向在該處附近游牧之新舊巴爾虎人等。一體防範。擬於呼倫貝爾與該夷會哨卡倫額爾固訥河以

下布魯河。謨哩勒克河。兩處高阜處所。各添設卡倫一處。並在查邊要路額勒霍訥河根河渡口處。各添設卡倫一處。加派官兵坐守。與呼倫貝爾珠爾特依卡倫會哨巡查。遞報信息。以期周密。以上五路鄂倫春所食口糧。均以牲畜皮張易換。向由索倫達呼爾各詣達。運送接濟。除庫瑪爾一路。山河過多。擬將夏季口糧。飭令該旗發給執照。由黑龍江水路運送。其餘四路。均令各該詣達。並該旗賣米人等。照舊按季運送。准其易換牲畜皮張。每次每口給米一大斗。均令送至聚集游獵地方。聽其公平交易。不准稍有抑勒。如八旗人等。有願多帶口糧售賣者。亦准一同前

任令鄂倫春人等置買俾之充裕。仍派官管帶稽察。僅送米之譜連。及賣米人等貪圖厚利。藉端推脫。耽擱一次者。著該管各官分別懲辦。准該鄂倫春人等另覓售主。所欠舊債。概免追索。庶該鄂倫春等得以源源接濟。不致遠離游獵地方。並令該副管等將接濟之處。按次結報。以備查覈。除該管官外。仍另派妥員。帶同兵役。隨時按路抽查。務令該鄂倫春等各在指定地方。不准越限游獵。違者趕緊收回。分別懲治。再據該總管等詳稱。鄂倫春五路男丁。按戶比查。雖一千九百五十餘名。除老幼殘廢照料家口外。若遇調遣。可期實在得力者。不過五六百名。現皆外出。

游獵。縣難聚齊。擬俟該管官等往收本年貢皮。至聚集處所。逐細查看。一面曉諭收羅。令其各赴指定地方。一面擇其漢仗勇壯。烏槍嫻熟者。造冊呈報。並每路挑備官二員。領催兵等。叢計數用。以資管束。像遇征調。即令迅往招聚。帶赴所指地方。以期無誤。再該鄂倫春等。向多嗜酒。每為酒米各債。徧索逃避。並有以衣物槍馬抵債。及該詣達等。亦向有指差索擾等弊。等等當隨處稽察嚴禁。務期各安生業。常在所指地方游獵。不致遠離。而期應用。

硃批。另有旨。圖留覽。

諭軍機大臣等。前因特普欽等奏。將鄂倫春牲丁。收羅團聚。分布

要隘。當諭令將如何酌給口糧。不受夷人籠絡之處。妥議章程具奏。茲據該署將軍等奏稱。酌議章程。繪圖呈覽。所有庫瑪爾。畢喇爾。托。阿。哩。多。普庫爾。五路鄂倫春。著即照所擬地方。令其環居游牧。以備緩急調用。阿。哩。多。普庫爾。托。三路鄂倫春。既移於內興安嶺以內。其嶺外呼倫貝爾卡倫之東。謨哩勒克一帶地方。遼闊。恐該夷窺伺。著即責成該處附近游牧之新舊巴爾虎人等。一體防範。並准其於額爾古納河以下布魯河。謨哩勒克河。兩處。各添設卡倫一處。並在查達要路額勒霍納河根河渡口處。各添設卡倫一處。加派官兵坐守。與呼倫貝爾珠爾特依卡倫會哨巡查。以期周密。該鄂倫春所食口糧。應行接濟。及

挑備官員領催管束之處。均著照特普欽等所擬辦理。郭倫春
五路男丁。經此次指定地方。設法接濟。並每路挑備官員領催
等管束。即不得令其任意遠離。務須隨時稽察。毋令越限游獵。
致為俄夷籠絡。是為至要。

特普欽等又奏。竊^欽等前因夷情叵測。遵

旨豫籌布置。擬由墨爾根布特哈共挑兵五百名。以備黑龍江城
緩急策應。嗣承

諭旨。尚恐兵力不敷。必須聯絡該處旗民人等團練。以壯聲勢。並
將官兵扮作民間團練。儻該夷先啟兵端。亦即督飭兵勇抵禦。
等因。欽此。^欽等復經督飭黑龍江城署副都統協領愛紳

奏悉心籌議。擬將沿江兩岸新屯駐戶。開散西丹。一體團練備防。先後奏蒙

聖鑒在案。惟查黑龍江左岸沿江一帶。上下四千餘里。除舊有旗屯地界外。其間數十里至百餘里不等。各有夷人村落。自上年冬間。該夷即有強蓋房間。搶取糧石之謠。在在均須防範。轉瞬間。江夷船行駛之際。尤須加意嚴防。以備不虞。該處城垣。切近江干。距省八百餘里。孤懸一隅。尤屬堪慮。所有前備團練西丹。既須各守各處。以免顧此失彼之虞。而現在收羅鄂倫春人等。又須兼防各路。調集終需時日。若將前備墨爾根布特哈兩處馬隊官兵。豫先調往常川。

駐守。自春徂秋。需費較繁。當此經費支絀之時。亦不敢不兼思籌計。否則臨期征調。該處距黑龍江城四五百里。亦恐緩不濟急。欸等反覆籌商。擬將前備官兵五百名。仍令在各該城。操防聽調。另由齊齊哈爾省城。並墨爾根布特哈胡蘭等四城。八旂官屯營站。開散餘丁。內裁計人數多寡。選擇年力精壯餘丁五百名。作為步隊。酌派官兵管帶。於開江以前。遣赴黑龍江城附近地方。擇要屯紮。扮作民間團練。以期聲勢聯絡。加以該處本城前練養育兵二百八十餘名。協力保護城垣。庶期一呼即至。無誤事機。其管帶教演各官。擬由職官內。擇其曉暢營務者。選派委營總

二員。委參領五員。並由軍功頂領前鋒領催甲兵內。派委防禦驍騎校各十名。以資管束。仍派甲兵三十名。隨同教演。並攜帶馬匹。巡察哨探。各按各隊。由省城捐製軍械內。分給擡槍鳥槍刀矛等件。勤加教演。以資抵禦。其應需鉛藥鍋帳。由黑龍江城就近發給。俟封江後。查看夷情。如稍安戢。再行奏明撤回。各歸各處團防備用。該委營總委參領各員。係屬職官。在本省備防。應毋庸議。給口米柴薪。惟該官兵等。兩年未得俸餉。擬請照出差借銀之例。覈計日期。酌借銀兩。由應領俸餉按季扣還。不准另有開銷。至委防禦驍騎校甲兵餘丁等。共五百五十名。擬請每名日給

口糧粟米各一倉升。並日給柴薪銀五分。糴扣實銀三分。七釐六毫。以資用度。第查開散餘丁。向無差徭。概多貧寒。今遠赴團練。若不稍示體恤。未免苦累。擬請每名酌給置買衣服銀六兩。糴實銀四兩五錢一分二釐。其委防禦驍騎校甲兵共五十名。各帶馬一匹。每日各擬給馬乾銀五分。糴扣實銀三分七釐六毫。自開江起。至封江止。統計七箇月在防。共需口米一十五十五倉石。等。現擬籌捐米石酌給。請免開銷。共需銀六千九百九十三兩六錢。合無
額懇

鴻慈由前奉

恩旨割撥京餉銀四萬兩內如數動用另行造冊報部開銷其餘銀兩仍歸俸餉款內備用如此酌量布置庶帑項不至多糜孤城稍有可恃而沿江屯戶亦藉免顧此失彼之虞儘必須征調前備官兵再行奏請調往亦可緩急無誤

硃批依議戶部知道

特普欽等又奏竊^{奴才}等前據黑龍江署副都統愛紳泰報稱夷酋木哩斐岳幅有欲往呼倫貝爾附近之英阿達河地方操兵之語當經奏奉

諭旨左岸屯地既已被其侵占恐其將來得步進步以次擾及右岸等因欽此^{奴才}等遵即飛割黑龍江署副都統愛紳泰呼倫貝